

fit Calor cœlestis in ambiente Aere diffusus, proxima verò Calor putrescentis Mixti v.g. Floris, Fructus, Folij, Ligni, &c. Materia disponitur, inquam, veteri Forma exclusa, nova inducitur, quæ ob raritatem mira quoque censeretur potest; data ergò Cœli Clemētia odorabilitatis effectrice, & datâ materiâ bene disposita, quare non dabitur, &c. 4. Prout putrescibilia varia sunt, & multiplicia, in quæ Calor non solum particularis mixti, sed universalis Cœlestis agunt, ita quoque varia, & diversa præcipuè Insecta, modò nobiliora, modò ignobiliora producuntur, inter ignobiliora Xylophthorus numeraretur, proximè admodum haberi poterunt Cantharides jam notæ cunctis, in summis Fraxini ramis, inque Ficis, Pyris, Pinis, Populis, &c. originem ducentes, quas rosas, aliisque floribus pasci, ac delectari conspiciamus; ita ut nobilissimum omnium Insectorum remaneat *osmo-*

mosca, sive *Muscus* Muscodora considerandum, quod quidem à Fucorum, vesparumve ignavarum, minimi scilicet aculei, natura non multum distans in multis quoque iisdem conformabitur, quibus generatio ex putri peculiari quodam modo ab aliis diverso poterit attribui; ita ut concludi possit hanc Odoratissimam Insectorum Speciem, solitaria naturæ, cum sylvestribus, odoratisque Pomis originalem aliquam conservare posse Analogiam; à quarum Arborum censu cum non veniat Sorbus excludenda Sorbis hæc Animalia problematicè erunt adjuncta; quæ quia rara miraculosa sunt in §. I. in *Aurb. de consul. coll. 1.* Sed pro coronide hinc repetamus, quod præclarissimus Chimentellius de hac musca odoratissima metricè conclusit.

*Qua ventre artifice exhalantia dona reformat,
Et nova de florum succis myrothecia condit.*

Muscodora, seu Musca Moschata.

Latibula quoque profundiora, ubi ab Arboribus radices immittuntur
- apud nos quærens, ibique vivens.

De Insectis, & minimis Animalibus supra 500. imagines evulgavit Thomas Moufetus Londinensis anno 1634. typis Thoma Cotes, sed longè plura noster Aldrovandus cum suis Iconibus dedit in Volumine de Animalibus Insectis lib. vij. Verùm nemo antehac magnitudinem eorum ad hæc auctam est speculatus, ad quod Ingenua perspicaciora nostrorum temporum, in quibus Instrumenta optica optima non desunt, invitamus.

Apparens

Magnitudo.



Pro tertio demum Problemate stabit hæc dubitativa Propositio, num scilicet Moralium Præcepta

Physicis, atque Botanicis misceri commodè possint materiæ; Cujus affirmativam non prius

conclu-